

PERARAH RENGKAS MADLIH BANDARAYA GEORGE
TREN DAN PERKEMBANGAN PERTADIRIAN YA
TARI TAHUN 1946 - 1966.

Oleh : Haris bin Md Padi
Pusat Pengejian Ilmu Kemanusiaan
Universiti Sains Malaysia
Pulau Pinang.

1hb Disember, 1973

Kandungan

	muka surat
Kata Pengantar	i & ii
Bab I	
Sejarah Rengkas Majlis Bandaraya George Town ..	1 - 3
Bab II	
Perkembangan Pentadbiran Bandaraya George Town ..	4 - 6
Bab III	
Pilihanraya 1951	7 - 8
Bab IV	
Perkembangan Pentadbiran Majlis Bandaraya George Town	9 - 10
Politik Perkauman atau Demokrasi ..	10 - 13
Bab V	
Hubungan Antara Majlis Bandaraya Dengan Kerajaan Negeri	14 - 16
Bab VI	
Berakhirnya Satu Tradisi Demokrasi di Pulau Pinang	17 - 20
Bab VII	
Penutup	21 - 23
Appendices	24 - 28
Bibliographi	29

Kata Pengantar

Thesis kecil ini adalah bertujuan untuk mengkaji sejarah Perkembangan Majlis Bandaraya George Town, proses demokrasi yang timbul berikutan dengan penubuhannya dan sambutan serta penyertaan penduduk-penduduk George Town terhadap institusi ini.

Pengajian ini adalah berdasarkan pada lapuran-lapuran dan minit-minit mesyuarat Majlis Bandaraya++ serta perbincangan dengan kakitangan-kakitangan dan bekas pegawai Majlis Bandaraya yang mempunyai kaitan rapat dengan perjalanannya.

Jangkamasa yang diambil adalah abitrary tetapi se-boleh-bolehnya saya menekankan dalam masa antara tahun 1946-1966. Tahun-tahun ini saya pilih sebagai permulaan dan pengakhiran pengajian ini berdasarkan pada dua faktor. Yang pertama tahun 1946 adalah merupakan zaman baru bagi Asia setelah tamatnya peadudukan Jepun. Rakyat Asia mula sedar tentang kehendak-kehendak baru terutamanya dalam menentukan nasib mereka dimasa hadapan. Tahun 1966 juga ada pentingnya kerana pada tahun inilah tamatnya Majlis Bandaraya George Town sebagai sebuah institusi demokrasi yang mempunyai sejarah yang paling lama di negara ini.

Kesan-kesan politik yang timbul tidaklah jelas kelihatan tetapi yang paling nyata ialah bahawa penduduk-penduduk George Town telah dinafikan hak-hak mereka untuk memilih wakil-wakil mereka ke Majlis Bandaraya George Town.

++ Perkataan Perbandaraan digunakan sebelum ia menjadi taraf Bandaraya dalam tahun 1957. Namun demikian tukar menukar penggunaannya sering terdapat. Lapuran-lapuran dan minit-minit mesyuarat tahunan yang menjadi bahan kajian saya adalah ditulis keseluruhannya sebagai Lapuran Tahunan Majlis Bandaray George Town walaupun lapuran tersebut terhasil sebelum tahun 1957.

Penghargaan

Di sini juga saya mengucapkan setinggi-tinggi terima kasih kepada Majlis Bandaraya George Town, Petiausaha dan kakitangannya kerana memberi kemudahan-kemudahan kepada saya untuk membuat penyelidikan ini.

Ucapan terima kasih yang khas saya tujukan kepada En. Md Abu Bakar dan Cik Azizah dari Majlis Bandaraya dan En. Padmanathan dari Universiti Sains Malaysia kerana bantuan dan nasihat yang diherikan kepada saya semasa saya membuat pengkajian ini.

SEJARAH RENGKAS MAJLIS BANDARAYA GEORGE TOWN

Majlis Bandaraya George Town mempunyai sejarah yang lama jika dibandingkan dengan Majlis-majlis bandaran yang lain yang terdapat dinegeri ini. Sejak tahun 1801 lagi satu Jawatankuasa "ad hoc" yang diberi nama "Jawatankuasa Penilai" telah pun ada di Pulau Pinang dimana kerajaan pada hari itu memberi kuasa padanya untuk mentadbirkan bandar George Town serta menjaga keperluan-keperluan penduduknya. Jawatankuasa ini juga telah diberi kuasa untuk membuat jalan-jalan raya, menjual tanah-tanah dan mengadakan satu sistem penilaian. Pada mulanya ia adalah merupakan sebagai badan sukarela tetapi dalam satu peraturan yang dibuat dalam tahun 1827 Kerajaan di Bengal telah mengiktiraf adanya Jawatankuasa penilai ini. Dalam tahun 1848 satu Akta Perbandaran telah diluluskan. Akta ini memberi kuasa kepada pihak awam untuk melantik Jawatankuasa Perbandaran yang mengandungi lima orang yang bertanggungjawab berhubung dengan pungutan cukai. Dua daripadanya hendaklah terdiri dari Pegawai-pegawai Kerajaan. Peraturan Perbandaran tahun 1846 ini tidak dapat diterima oleh penduduk-penduduk Pulau Pinang. Ini ialah kerana Akta itu masih memberi anggapan pada kerajaan Bengal bahawa Pulau Pinang adalah sebahagian dari India. Ini ternyata apabila kerajaan di Bengal berkehendakkan Pulau Pinang menggunakan rupees dan annas sedangkan penduduk-penduduk tempatan pada waktu itu menggunakan ringgit dan sen.¹

Oleh kerana tentangan yang kuat dari penduduk-penduduk tempatan, beberapa akta telah diluluskan dalam tahun

1. Penang Past And Present 1786-1963, ms 16